

شهرين أو عنافارگوا مثل السحابة
أحيينا بيهم ذكر أبو اليمّة و مصابه
و ذكر الحبيب المصطفى و آله النجابه
كلمن في ماتم لو عزا بيدي انتحابه
لكن قلبنا نساله و نسمع جوابه
هل عدنا للطاعة أو للهدى استجابه
لو خذ طريق المعصية و غره سرابه
و ماراقب الله و لا عرف معنى عذابه
مر محرم أو مر .. عگبه عدله صفر
مو كآنها ليال .. چنها لمحمة بصر
يا شباب اعتبر .. هذا حال العمر
و الأجل من يحين .. ما يفيد العذر

هل المنابر و المواكب ليها تأثير؟
على نفسنا و في وضعنا شفنا تغيير
هل في طريق المصطفى و أحفاده انسير؟
لو نكضي أيام العمر تسويف و تأخير؟

الواقع تغير لو بعد؟ .. القلب كرب لو بعد؟
على النبي و آله اعتمد .. لو غره شيطانه
لحسين يريد لنا الظفر .. ناخذ من المنبر عبر
هو على الغبرة اعتفر .. للدين او بنيانه

اتبذل وضعنا لو بگى ثابت مكانه
نبتع أهل بيت النبوة في خطانه
انصلي الفريضة في وقتها لو ترانه
وقت الفريضة الواجبة نبتع هوانا

الشيعي طاهر جوهره .. فرضه ابد مآخره
يعمل ليوم الآخرة .. و الدنيا مآتهمه
خط الولاية مو اسم .. الشيعي لازم يلتزم
و كل المبادئ و القيم .. يحرسها ابد دمه

دهر المصايب و المحن ما يرحم الحال
بعذك صغير اعلى اليتم يا قائم الآل
الوالد ابوگت الشدد لولاده اظلال
و انت رحل ظللك أو صرت اتكاسي لهوال
امصابك في هالليلة أبد ما تحمله اجبال
صال اليتم حولك يغوث الموزمه و جال
تنظر لبوك اعلى الفرش و الدمع سيال
تنادي (بيوية خابت اظنوني و لأمال)

إي و حگ غيبك .. اليتم مو سهل
تنظره و عبرتك .. على خدك تهيل
و ايده تمسح عليك .. مسحة المرحل
و الفجعة كريب .. يا بو صالح تحل

سم الغدر يالمنتظر فنتها جبهه
چف العطف و المرحمة لازم تفكده
يامهدي و اعلى المغتسل بكرة تمده
يامهدي و ابايك وسط لحدده توسده

تزود من الغالي ترى .. جبهه بحمم متوجره
چني أشوفك تنظره .. عالمغسل ممدود
و اتكله بعدك منهولي .. راح المحامي و الولي
عگبك بيوية ابتلي .. و چبدي إلك ممرود

چني اشوفك يا بو صالح تهمل العين
و العسكري امّدد أو يرشح منه لجبين
و انت تكله منهو ليّه لوسطا البين
لو فارگتني گلي بعدك ألتجي وين

گلك تصبر عالبلأ .. و لا تنسى محنة كربلا
كل معضلة و كل نازله .. هونها رزء الطف
لا تبجي ليّه و ابجي عل .. جسمه بگی بليا غسل
اثلاثة طريح اعلى الرمل .. و دم منحره ينزف

يا زايير الظامي الذبيح امعفر الخد
لا تمشي عكس الأربعيانة أو تهيد
لا ترجع اديارك ترى الماتم تجدد
موكلها أيام و تجي ذكرى المؤيد
روح النجف عند الوصي الفارس الأمجد
و عزي الولي بالمصطفى الهادي محمد
فضل الزيارة ابيوم أبو الزهرة مؤكد
ما ينحصى أجر الزيارة و لا ينعد

من بعد لربعين .. عرج اعلى الغري
و احيي ذكرى الرسول .. ابصحنه الحيدري
و ودع المصطفى .. وخلي دمك جري
و إلى سامري روح .. إكصد العسكري

اتعنى الضريح العسكري ملجا الحيارى
ابذكرى الشهادة وش كثر فضل الزيارة
و لحظة مانتظري الموالى للمنارة
خل الدمع عالسكري يجري بغزارة

بكل خطوة محسوب الأجر .. و كل الخطايا تنغفر
لنك تواسي المنتظر .. و تمسح على قلبه
كل الملايك كاصده .. تعزي الإمام ابوالده
هاللي شرب كاس الردى .. في بلدة الغربية

من تنظر الكبة الشريفة امشي بهدي
و سلم على المسموم او نادي أيمولاي
لجلك رغم طول المسافة جيت عناي
و ما ظن تخيب يا غريب الدار رجواي

شنهو التعب شنهو العنا .. كلمن سأل نال المنى
كبل تزوره استأذنه .. و اجريها عبراتك
يالمعتني لزيارته .. إقسم عليه بغربته
و الحورى زينب عمته .. يقضيها حاجاتك

يا عالم الآل وسراج تضوي الجنان .. ألقابك الفاضل الزاكي وعز الاسلام
الصامت الميمون انت وعالي الشان .. يالعسكري *المعصوم* وصفك وانت علام
خازن علم أحمد و آية من الرحمان .. قاسيت چم محنة ومصيبة من الظلام
دهر القضيته والدهر معروف خوان .. مال اعلى قلبك بالغدر من بادي الأيام

والجرح أوله .. غايل لكل حلم
من رحل والدك .. وابتلاك بيتم
دمعتك عالوجن .. يالأبو ينسجم
والجرح معظمه .. ما أظن يلتئم

من دونه ستة أعوام عمرك يبين الأطهار .. والناس حارت من ثباتك نقرأ احنا
فايض عليها علوم يا مولاي وأسرار .. و اتبادر بطيبة فؤادك والمحنة
مشهد إلك تجري الدمع عالوجنة مدرار .. جينا نسائل وي ذاك الجا و تعنى
جاوبته: دمعي من شفت هالحطب بالنار .. خشية لربي و للعب لا ما خلقتنا

بالكرم سيدي .. عايش بهالزمن
وبرغم طيبتك .. بادروك بمحن
من سجن لسجن .. جرعوك الشجن
لهفة نفسي الك .. سيدي بالحسن

موقف إلك وسط السجن واضح ثباتك
الإشرار من شافوا خشوعك في صلاتك
تأثروا منك وصاروا ممن تقاتك
قاموا يلبنون الإله بتأبياتك

موقف يهل دمعي الندي .. غير السجن يا سيدي
لمن وضعك المعتدي .. وسط السباع انتة
صليت انت بدمعتك .. أما السباع إحاطتك
اتحننت من شافتك .. كيد العدا أعجزته

والطاغي زيد لوعتك وتفايض الهمة
يا ويلي چبدك تنفطر من دس لك السم
والشيعة ذهلت بالمصيبة وترشح بغم
جرح وتربع بالقلب ما فاده مرهم

راشح جبينك للأجل .. ما ظل لهم ذرة أمل
ترحل يبن خير العمل .. تفجعها بالغبية
اختارك الله بالحسن .. يا من إلى الشيعة الوطن .. بعدك
تقاسي بالمحن .. والعيشة الصعبة

عظم لك الباري الأجر يا صاحب الثار .. بمصاب ابوك اللي جرع موته بسمومه
جرح اليتم وسط القلب يتلاهب بنار .. يبن الحسن ضل مستمر من يوم يومه
وينك يمهدينا برضوى و الايادار .. أم ذي طوى قلبك نصب خيمة همومه
الشيعة ضجت تدبك في ليل ونهار .. و تقول وينه المنتظر غابت علومه

علقت بالدعا - يا محمد أمل
والدمع عالوجن - يا بوصالح نزل
تندبك للفرج - منها بادي الخجل
والهة لك تحن - العجل العجل

يا يوسف الزهرا متى يحصل ظهورك .. في مكة لو يم الوصي لو عند الحسين
لازالنا امك فاطمة تنظر انورك .. يتشعشع و تاخذ ابسيفك ثار الجنين
يا مفرج الكربات منشورة قبورك .. برض البقيع انقطر اقلوب المحبين
اظهر لثار المرتضى واقضي بأمورك .. والثار راية بكر بلا صبغتها چفين

راية تنزف الك - امن القمر بالدم
والسقيقة بقت - للوصي ناقمة
والظلم مستمر - ما رحم فاطمة
شيعتك نادتك - ياسفير السما

و اطفال عندك تنزف العلية ابچاهم
محسن او عبدالله التضل تجري دماهم
نسوة جليانة مسالبة العادي ولاهم
وظفلة على راس الابو فتت حشاهم

ضمت ابوها بالتعب - منها الدمع فوقه انسج
نادت يبويه وشعجب - ما تجبر خاطر
ماتت غريبة ابلا وطن - خطت رسالة بالشجن
مخصوصة لك يبن الحسن - تثار لها تناظر

يصاحب الثارات و الكون ابيمينك
تنظرنا انتة مو فقط مناظرينك
رايدنا احنا نهتدي الهالة يقينك
قول و فعل رايد امامي الناصرينك

مولانا آخرنا الأمر - مهما المعاصي تستمر
نطلب سماحة والعذر - منك يقائنا
ادعي الينا للهدى - نثبت ولا انخاف الردى
نوقف جميعا للعدا - حورة ضميرنا